

ՈՂԻ Է ԱՌԱՎԱՆ ՀԱԶԱՐԱՊԵՏԸ

ԱՐԹՈՐՏ ՄՈՒՇԵԼՅԱՆ

Մ. թ. IV դարի հռոմեական պատմիչ Ամմիանոս Մարկելինոսը իր «Գործեր և դեպքեր» հայտնի երկում¹ հետաքրքիր դրվագներ ու մանրամասներ է հաղորդում IV դ. 60—70-ական թվականներին Հայաստանում տիրող ռազմաքաղաքական իրավիճակի, ինչպես և Արշակ Բ թագավորի ու նրա որդի Պապի հղերական ճակատագրի մասին, որոնք գալիս են լրացնելու Փավստոս Բուղանդի և Մովսես Խորենացու ալանդած տեղեկությունները նույն անցքերի և անձերի վերաբերյալ։ Ամիանոսը գրում է. «Այս խայտառակ զործը* կատարելուց հետո նա (Շապուհը-Ա. Մ.) Հայաստանը վստահեց Կիլիկես (Cylaces) ներքինուն և Առաքանեսին (Arrabannes), որոնք մի ժամանակ փախել էին նրա մոտ և ապաստան գտել։ Դրանցից մեկը, ինչպես ասում էին, առաջնորդում այս ժողովրդի վերակացուն (praeffectus) է եղել, իսկ մյուսը՝ զորագլուխ (magister armorum)։ Նրանց պատվեր տվեց ամրոցը զորությամբ ավերել պարիսպներով ու զորքով ամուր պաշտպանված Արտագերս (Artogerassa) քաղաքը, որտեղ գանձերից բացի ապաստան էին գտել նաև թագուհին ու Արշակի որդին։ Կիլիկես ներքինին, որ հմուտ էր կանանց շողոքորթելու մեջ, Առաքանեսին վերցրեց իր հետ և ընդհուպ մոտեցավ պարիսպներին՝ նախապես ապահովության երաշխիք առնելով։ Նրան թույլ տվեցին իր ուղեկցի հետ մուտք գործել ամրոցը, ինչպես որ ինքը պահանջել էր, և սպառնալիքների տակ խորհուրդ տվեց պաշտպաններին ու թագուհուն՝ շտապ անձնատուր լինելով մեղմել անապորուն Շապուհի ցասումը։ Շատ խոսքեր փոխանակեցին, մինչև վերջապես նրանք երկուսն էլ, որ մինչ այդ չափազանց հեռու էին գնացել դավաճանության մեջ, փոխեցին իրենց ծրագիրը՝ կարեկցելով թագուհուն, որ ողբում էր իր ամուսնու սոսկալի ճակատագիրը»²։

Այնուհետև, որպես թե բարձր պաշտոն ստանալու ակնկալությամբ, Կիլիկեսն ու Առաքանեսը սատարում են թագուհուն. նրանց խորհրդով հայերի մի զորախումբ գիշերով հանկարծակի դուրս է գալիս բերդից և կոտորում պարսից քնած զորքը։ Մինչև իսկ նրանք միջնորդներ են ուղարկում հունաց Վաղես կայսեր մոտ՝ խնդրելով Արշակի որդի Պապին կարգել իրենց թագապոր³։ Տերենտիոս զորավարի օգնությամբ Պապը վերադառնում է Հայաստան։ Այս ամենը լսելով, Շապուհը սաստիկ մոլեգնում է, մեծ զորքով Հայաստան է դիմում և հրամայում՝ անխնա կողոպուտով նամայացնել երկիրը։ Նրա արշավանքից սարսափած, Պապը, Կիլիկեսն ու Առաքանեսը շտապեցին ապավինել այն բարձր լեռներին, որոնք բաժանում էին հույների դավառներն ու կազիկան։ Այստեղ նրանք հինգ ամիս թաքնված մնացին խոր անտառներում ու կիրճերում։ Շապուհը հրի մատնեց հաղթանակով կամ մատնությամբ զրափած բերդերն ու ճամբարները և մեծաթիվ զորքով արհելով Արտագերս ամրոցին՝ գերեզմարեց Արշակի տիկնոջն ու գանձերը։ Դրանից հետո հույները կոմս

¹ Ammianus Marcellinus. Römische Geschichte, Berlin, 1971, Vierter Teil, XXVII, 12.

* Նկատի ունի հայոց Արշակ թագավորին Ագաբանա (Անհուշ) ամրոցում բանտարկելը։

² Ammianus Marcellinus, նշվ. աշխ., էջ 88—90.

³ Նույն տեղում, էջ 90, 92.

Արիւթեանի պորթով ուղարկեցին հայերին օգնութեան՝ պարսիկների նոր ներխուժումից պաշտպանվելու համար: Այստեղ հանկարծ Շապուհը—և Ամմանոսը լրջորեն չի պատճառաբանում, թե ինչու—սկսում է բռնել Պապ թագավորին և հուսալով դարձնել իր դաշնակիցը, գաղտնի դեսպանների միջոցով կշտամբում է նրան՝ թե իբր Պապը շատ անփութ է իր անձի նկատմամբ, թե նա արքայական պատմութեանով ստրկութիւն է անում Կիլիկիայի ու Առաքանեսիի, Այդ շողորթութիւնից խաբված, Պապը հրամայում է սպանել իր երկու գործակիցներին և նրանց գլուխներն ուղարկում է Շապուհին՝ ի նշան իր հաճոյակատարութեան: Այնուհետև մի քանի շաբաթով մարդիկ—ինչպես վկայում է Ամմանոսը—որոնց թվում և հռոմեացի զորավար Տերենտիոսը, երիտասարդ Պապ թագավորի դեմ բազմաթիւ ամբաստանութիւններ են ներկայացնում վաղեսիին, հնդաթին, Տերենտիոսը շարունակ հիշեցնում էր արքունիքին Կիլիկիայի և Առաքանեսի մահը: Այս ամենն ավարտվեց խնչուքի ժամանակ երիտասարդ Պապ թագավորի դեմ սարքած դավադրութեամբ ու նրա սպանութեամբ, որ Ամմանոսը անլուր ու խայտառակ ռնիւր է անվանում:

Սակայն այս վերջին դեպքերին մանրամասն անդրադառնալով դուրս է մեր հետապնդած խնդրից: Հարց է առաջանում՝ ովքե՞ր են այս Կիլիկիան ու Առաքանեսը, որոնք Ամմանոս Մարկելինոսի գրքում մերթ հանդես են գալիս իբրև պարսիկների կողմը փախած բարձրաստիճան հայ գործակալներ, որոնց Շապուհը վստահում է Արտագերս ամրոցի գրավման գործը, և միաժամանակ, առանց որևէ լուրջ պատճառի՝ այս երկուսն անակնկալ դարձի են գալիս, փրկում Արտագերս ամրոցը պաշարումից, նպաստում Պապի թագավոր կարգվելուն, անբաժան ուղեկցում նրան Հաղիկայի լեռներում ապաստանած ժամանակ, և դարձյալ առանց լուրջ պատճառի՝ Պապ թագավորը, իրեն թե ու թիկունք դարձած Կիլիկիայի ու Առաքանեսի սպանելով, գլուխներն ուղարկում է Շապուհին՝ նրան հաճոյանալու համար: Թեև Ամմանոսն այս դեպքերը նկարագրում է բավական մանրամասն, սակայն հոգեբանորեն և տրամաբանորեն բավարար չափով չի հիմնավորում: Բարեբախտաբար, միևնույն անգիծական անդրադարձել են նաև Փավստոս Բուղանդն ու Մովսես Խորենացին, որոնք օգնում են բացահայտելու հռոմեական պատմագրի հաղորդած դեպքերի իրական դրդապատճառները և Կիլիկիայի ու Առաքանես անձերի ինքնութիւնը:

Նախ նշենք, որ ի տարբերութիւն 1910—1915 թթ. բնուիյան հրատարակութեան, Ամմանոսի երկի հին տպագրութիւնները⁵ Arrabannes անվան դիմաց ունեն Artabannes (Արտավան): Անցյալ դարի 20-ական թվականներին Սեն-Մարտենն առաջին անգամ ուշադրութիւն հրավիրեց Արտավան անվան ձեռագրական ընթերցվածներին՝ Arabanis, Arrabanes, Arrabones, նշելով որ դրանք ենթադրել են տալիս մի այլ անուն՝ Առավան, Ամմանոսի վատիկանյան ձեռագրի Առավան անվան վրա մի անգամ ևս ուշադրութիւն հրավիրեց Յ. Մարկվարտը⁷: Եվ իսկապես, Ամմանոսի երկի Մայր ձեռագիրը, որից ծագում են հետագա գրչագրերը, պահպանել է *magister armorum*-ի անվան

⁴ Նույն տեղում, XXX, 1, էջ 198 և հաջ.:

⁵ A mmiani Marcellini. *Rerum gestarum historia*, Lugduni, Le Preux, 1591; Նույնի՝ *Rerum Gestarum libri qui supersunt*, Franc. Eussenhardt recens, Lipsiae 1874.

⁶ *Histoire du Bas-Empire* par Lebeau. Nouv. edit, par M. de Saint-Martin, Paris, 1824, p. 16.

⁷ Յ. Մարկվարտ, Պատմութիւն հայերեն նշանագրերու և վարուց ս. Մաշտոցի, գերմ. թարգմ. Հ. Վարդանյանի, Վիեննա, 1913, էջ 58, ժան. 1: Յ. Մարկվարտի արժեքավոր ուսումնասիրութիւնն նոր և հանձնարարելի թարգմանութիւնը՝ «Հայոց այբուբենի ծագումը և Մ. Մաշտոցի կենսագրութիւնը», գերմաներեն թնագրից կատարել է Գեորգ Արգարյանը (տե՛ս «Մենս-րուպ Մաշտոց», հոդվածների ժողովածու, Երևան, 1962, էջ 179):

նախնական անաղարտ Arrabannes ձևը⁸։ Չնայած սրան, եվրոպացի և հայ հեղինակները զանց են առել այս կարևոր ուղղումը և ամենուրեք Ամմիանոսի *magister armorum*-ին անվանել են Artabannes կամ Արտավան, որ արդյունք է գրչական թյուր ընդօրինակման։ Այսպիսով, նրանք ակամա շեղվել են այն միակ ուղուց, որ կարող էր տանել դեպի այդ անձի բացահայտումը։

Յրանսիացի հայագետ Վ. Լանգլուան, նրան հետևելով և գերմանացի իրանագետ Յ. Յուստին գտնում են, որ այս Կիլիկիան ու Արտաբանեսը կարող են նույնացվել պարսից Զիկ և Կարեն զորապետների հետ, որոնք հանդիպում են Փալստոսի մոտ (Դ. ՄԵ)։ Այս կարծիքը հենվում է սոսկ հետևյալ անպաճույճ դատողության վրա. Զիկը Փառանձեմ թագուհուն գերի վերցրեց Արտագերստ, հետևաբար նա Ամմիանոսի հիշած Կիլիկիան է, որին հանձնարարվեց զրավել Ատտոգեբասան⁹։ Ըստ Յուստինի, հետագայում այս Զիկը զարձավ Շապուհ Գ-ի կողմից 387 թ. դահ բարձրացած հայոց խոսրով Գ թագավորի դաստիարակը, որին Փալստոսն անվանում է Զիկ Նուիրակ (Զ. Ա.)։ Մեկ այլ Զիկ Նուիրակացետ, որին սպանեց Վասակ Մամիկոնյանը, Փալստոսը հիշում է Դ դարուժյան ԼԵ գլխում։ Լանգլուան ենթադրում է, թե «Զիկ» Կիլիկիան անվան տարբերակ է, իսկ «Կարեն» համարում է Արտաբանեսի տոհմանունը, որին Շապուհ Դ-ն Հայաստանի սատրապ նշանակեց 368 թվականին¹⁰, Ն. Ակինյանը իրավացիորեն ընդդիմանում է Լանգլուային և անկարելի համարում այսօրինակ նույնացումը, սլաման զի, ինչպես Ամմիանոս և Փալստոս կհավաստեն, անոնք (Կիլիկիան ու Առաբանեսը—Ա. Մ.) գլխատվեցան Պապի հրամանով կամ ըստ Փալստոսի՝ Մուշեղ զորավարին¹¹, Հիշեցնենք նաև մի ոչ պակաս էական հանգամանք. Ամմիանոսը շեշտում է, թե Կիլիկիան ու Առաբանեսը անցյալում հայերի մոտ եղել են բարձրաստիճան պաշտոնյաներ և հետագայում միայն անցել Շապուհի կողմը, այս պարզ պատճառով էլ նրանք ոչ մի ընդհանուր բան չեն կարող ունենալ հիշյալ պարսից իշխանների հետ։ Ուստի և Զիկ-Կիլիկիան անվանափոխումը նույնքան շինծու է, որքան և Արտաբանեսին Լանգլուայի ընծայած Կառեն տոհմանունը։ Յ. Մարկվարտը մանրակրկիտ քննությունը դիտել է տվել, որ Զիկը և Կարենը պարսից զորքի գլխավորներն էին Արտագերս ամրոցի երկրորդ պաշարման ժամանակ, 369 թ.¹²։ Թեև Մարկվարտին ծանոթ է Առաբանես ուղիղ ձևը, բայց նա մյուս հետազոտողների նման նրան անվանում է Արտավան և առանց որևէ հիմքի նույնացնում Փալստոսի մոտ հիշված Վաչե Մամիկոնյանի որդի Արտավազդի կամ Մանվել Մամիկոնյանի հայր Արտաշիրի հետ¹³։

Հայ հեղինակները նույնպես Ամմիանոսի հիշատակած պատմական հայացքի անձերի բացահայտման հարցում տարբեր և իրարամերձ կարծիքի են

⁸ Այդ բնագիրը հայտնաբերել է իտալացի հումանիստ և գրահավաք Պոզիո Բրաչոլինին 1417—1418 թթ. և կոչվում է Ֆուլդայի ձեռագիր։ Այժմ այն պահվում է Վատիկանի ձեռագրատանը՝ «Codex Vaticanus Latinus 1873»։ Նշված ձեռագիրն էլ հիմք է ծառայել գերմանացի բանասեր Կլարկի աշխատասիրած 1910—1915 թթ. հրատարակության և ապա 1970—1971 թթ. բելգիական քառահատոր հրատարակության լատիներեն բնագրի և զուգադիր գերմաներեն թարգմանության համար (տե՛ս Ammianus Marcellinus. Römische Geschichte, Berlin, 1970, Bd. 1, S. 41, 48)։

⁹ Collection des Historiens anciens et modernes de l'Arménie publ. par Victor Langlois, 2 voll, I, Paris, 1867, p. 272; F. Justi, Iranisches Namenbuch, S. 385 (տե՛ս Զիկ)։

¹⁰ Victor Langlois, Նշվ. աշխ., I, 273; F. Justi, Նշվ. աշխ., էջ 31, 157.

¹¹ Կորյուն, Պատմություն վարուց ս. Մաշտոցի, հրատ. Ն. Ակինյանի, Վիեննա, 1952, էջ 73, ծան. 9։

¹² I. Markwart, Untersuchungen zur Geschichte von Eran, I, Göttingen, 1896, S. 212.

¹³ Նույն տեղում, էջ 213—214։

հանգել: 3. Գաթրըճյանը¹⁴ և Մ. Օրմանյանը¹⁵ դորագլուխ Արտավանին նույնացնում են Վահան Մամիկոնյանի հետ, մինչդեռ Կիլիկիայի հարցում տարբեր է նրանց մոտեցումը: Գաթրըճյանը վերջինիս մեջ ճանաչում է Փափստոսի Հայր մարդպետին, իսկ Օրմանյանը՝ Մերուժան Արծրունուն:

Լեոն, ինչպես և Օրմանյանը, հանգամանորեն անդրադարձել է Ամմիանոսի Պատմության վերոհիշյալ դրվագներին և նշմարել միայն Ամմիանոսի և հայ աղբյուրների հիշատակած Վահան-Արտավանի և Մերուժան-Կիլիկիայի նմանության սոսկ ընդհանուր գծերը¹⁶: Նա օգտվել է Ամմիանոսի գրքի՝ Յու. Ա. Կուլակովսկու ուսերեն թարգմանությունից¹⁷, որում ամենուրեք Αρταβανν ընթերցվածն էլ Ակադեմիկոս Հ. Մանանդյանը, անդրադառնալով Արտավանի հարցին, որոշակի չի մատնանշում նրա կրկնատիպը հայ աղբյուրներում¹⁸:

Ամմիանոս Մարկելինոսի տվյալներով, Արտագերս ամրոցի պաշարմանը մասնակցած Կիլիկիայի ներքինի էր, մի ժամանակ եղել է հայ ժողովրդի պրեֆեկտը, որը, անտարակույս, մարդպետը կամ մարդպետության պաշտոնն է: Փափստոսն իր «Հայոց պատմության» մեջ (Դ. ՄԵ) հաղորդում է, որ Արտագերսի պաշարման ժամանակ ներքինի հայր մարդպետը գաղտնի մտավ բերդը, սաստիկ նախատեց տիկնոջը ու անարգելով Արշակունյաց տոհմը՝ կատարած շարիքների ու Հայաստան աշխարհը կործանելու համար, նորից գաղտնի դուրս եկավ բերդից ու փախավ¹⁹: Փափստոսի պատմածը Հայր մարդպետի՝ Արտագերս ամրոցը գաղտնաբար մուտք գործելու և Փառանձեմ տիկնոջ հետ վեճի բռնվելու մասին հաստատվում է Կիլիկիայի այն բնութագրմամբ, որ տվել է Ամմիանոսը, թե եա հմուտ էր կանանց շողոմորբելու մեջ: Նրա այդ հատկության վրա էին հույս դրել պարսիկները, Կիլիկիա անվան լատիներեն ձևի մեջ դժվար չէ ճանաչել Փափստոսի Պատմության մեջ հիշված Դղակ, Դգդակ մարդպետին, որի ուղիղ ձևն է Գղակ կամ Գլակ²⁰: Թեև Փափստոսի մոտ Արտագերս ամրոցը սողոսկած Հայր մարդպետը և Ատրպատականի Գանձակում սահմանակալ կարգված Դղակ մարդպետը տարբեր անձինք են²¹, բայց դրանից հարցի էությունը չի փոխվում: Կասկած չի կարող լինել, որ Ամմիանոսի հիշած ներքինի իսկապես ինքը Գղակ մարդպետն է՝ «գլղակ մարդպետ, որ անուանեալ կոչէր ըստ գործոյն» հայր թագաւորին²²: Այս կարծիքին համամիտ են թե՛ Յ. Մարկվարտը և թե՛ Հ. Մանանդյանը²³:

14 Յ. Գաթրըճյան, Տիեզերական պատմություն, հ. Բ, Վիեննա, 1852, էջ 504:

15 Մ. Օրմանյան, Աղագապտում, հ. Ա, Կոստանդնուպոլիս, 1912, այտն. 198, 204, 211, 212:

16 Լեոն, Երկրի ժողովածու, հ. 1, Երևան, 1966, էջ 472:

17 Аммиан Марцелиян, История, в переводе Ю. А. Кулаковского, вып. III, Киев, 1908, кн. 27, чл. 12, с. 85—87; кн. 30, гл. 1, с. 193:

18 Հ. Մանանդյան, Քննական տեսություն հայ ժողովրդի պատմության հ. Բ, Ա մաս, Իրևան, 1978, էջ 195—198, 203—205, 208, 209, 217:

19 Փափստոսի Բուզանդացու Պատմության Հայոց, Վենետիկ, 1914, էջ 220:

20 Հայր մարդպետին մահապատժի է ենթարկում Պապ թագավորը՝ Արտագերս բերդում, իր մայր Փառանձեմին անարգելու և մատնելու համար (Փափստոս Բուզանդ, Ե. Գ., էջ 242), իսկ Գղակ մարդպետը մահապատժի է ենթարկվում դարձյալ Պապի հրամանով՝ Շապուհի հետ Ատրպատականում գաղտնի բանակցություններ վարելու և դավադրության համար (Ե. Գ., էջ 257):

21 Մեկ այլ Հայր մարդպետ էլ լայր և ժանտաքարոյիցը, անօրէն և անիրաւ քան զառաջին Հայր անուն մարդպետնն, իր գործած շարիքների համար սպանվում է վրեժխնդիր Շավապ Արծրունու ձեռքով (Փափստոս Բուզանդ, Դ. ԺԳ, էջ 151):

22 Փափստոս Բուզանդ, էջ 257:

23 I. Markwärt, նշվ. աշխ., I, S. 212—214, նույնի Südarmanien und die Tigrisquellen nach griechischen und arabischen Geographen, Wien, 1930, S. 154—155, Հ. Մանանդյան, նշվ. աշխ., էջ 204:

Փափստոս Բուզանդն ու Մովսես Խորենացին պատմում են, որ Արշակ թագավորին շղթայակապ Անհուշ (Անդամշն) բերդն արքունից հետո պարսից Շապուհ արքան մեծ զորք է ուղարկում Հայաստանը նվաճելու՝ Մերութան Արծրունու և Վահան Մամիկոնյանի առաջնորդությամբ, որոնք երեւի հայ նախարարներ էին և ուրացել էին հայրենիքն ու քրիստոնեական կրոնը։ Այս Վահան Մամիկոնյանի մասին ավելի մանրամասն տեղեկություն է տալիս Փափստոսը²⁴։ Դա հայտնի սպարապետ, հայրենասեր Վասակ Մամիկոնյանի եղբայրն էր։ Պարսիկների դեմ Արշակ Բ-ի մղած կրկարատև պատերազմում նշանավոր նախարարներ Մերութան Արծրունին և Վահան Մամիկոնյանը անցան պարսից Շապուհ արքայի կողմը, և քրիստոնեությունն ուրանալով՝ ընդունեցին մազդեզանց կրոնը։ Իբրև դավաճանության վարձ, Շապուհը Վահանին կնության տվեց իր Որմիզդուխտ քրոջը։ «և շնորհեաց նմա բարձ և զպատիւ՝ որ նոցուն լեալ էր նախնեաց [...] և ի մեջ զօրաց իւրոց շքեղացոյց զնա, և խոստացաւ նմա կեանս մեծամեծս առնելը»²⁵։

Մովսես Խորենացու հաղորդած տեղեկության համաձայն, Մերութան Արծրունին և Վահան Մամիկոնյանը Հայաստան դալով պաշարեցին Արտագերս ամրոցը, որտեղ արքունի գանձերի հետ միասին ապաստանել էր Արշակ թագավորի կինը՝ Փառանձեմ թագուհին։ Չնայած պարսից զորքը ոչինչ չէր կատարանում անել բերդի ու տեղանքի անմատչելի ամրության պատճառով, բայց Խորենացու վկայությամբ պաշարյալները կամովին, առանց բռնության անձնատուր եղան թշնամուն²⁶։

Համեմատելով Ամմիանոսի ներկայացրած Առաքանեսին և Խորենացու մոտ հիշատակված Վահան Մամիկոնյանին, տեսնում ենք, որ նրանք երկուսն էլ Շապուհի հրամանով պաշարել են Արտագերս ամրոցը, երկուսն էլ եղել են մի ժամանակ հայերի մեջ նշանավոր անձինք և ապա փախել-անցել են Շապուհ թագավորի կողմը։ Այս տվյալները հիմք են տալիս պնդելու, որ Առաքանեսն ու Վահան Մամիկոնյանը միևնույն անձն են։ Ինչպես երևում է, հայ պատմիչներին հայտնի Վահանը կրոնի հետ միասին փոխել է և իր հայեցի անունը և կոչվել պարսկառձ՝ Առավան, որի լատիներեն ճշգրիտ տառադարձումն է Arrabannes²⁷։

Երբ Ամմիանոսն ասում է, թե Առաքանեսը նախկինում հայերի մեջ եղել էր զորապետ, ապա դրա տակ պետք է հասկանալ Մամիկոնյանների սպարապետության պաշտոնը, որ այդ տոհմի նախարարների առանձնաշնորհն էր։ Հենց այդ սպարապետ-զորավարի տիտղոսն է, որ Շապուհը շնորհել է Վահան Մամիկոնյանին իբրև բարձ և պատիվ (ըստ Փափստոսի վերոհիշյալ վկայության)՝ նրա եղբայր սպարապետ Վասակ Մամիկոնյանին դաժանորեն մորթազերծ անելուց հետո։ Այնուհետև Վահան Մամիկոնյանի և Մերութան Արծրունու առաջնորդությամբ Հայաստանը նվաճելուց հետո, Շապուհը տվել է նրանց նաև իշխանություն՝ Հայոց աշխարհի «մնացորդ» ժողովրդին՝ կառավարելու համար. «Եւ եթող [Շապուհ] յաշխարհին զԶիկն և զԿարէնն, զնոցա իշխանս զօրօք բազմօք. և զիշխանութիւն մնացորդացն ետ ի ձեռս Վահանայ և Մերութանայ, և ինքն գնաց յԱտրպատական»²⁸։ Ըստ այսմ էլ պետք է ենթադրել, որ Վահան-Առավանին շնորհվել է բարձրագույն վարչական իշխանություն, այն է՝ հազարապետի պաշտոնը։

Վերոհիշյալից բացի, Առաքանեսի և Վահան Մամիկոնյանի անձերի նույնության մասին է վկայում նրանց եղբրական ճակատագիրը։ Ինչպես արդեն ասվեց, Պապը սպանել է տալիս Առաքանեսին և գլուխն ուղարկում Շապուհին ընծա, իսկ Վահան Մամիկոնյանի հայրենասեր որդին՝ Սամվելը, ինչպես վկա-

24 Փափստոս Բուզանդ, Դ դպրություն, գլ. Ծ, ԾԸ, ԾԹ։

25 Նույն տեղում, էջ 206—207։

26 «Մովսիսի Խորենացու Պատմութիւն Հայոց», Տիգրիս, 1913, էջ 299—300։

27 Բ-վ հնչյունափոխությունը որոշակի օրինաչափության արդյունք է։

28 Փափստոս Բուզանդ, էջ 227։

յում է Փափստոսը, սույնում է իր դավաճան հորը և փախչում հաղտյաց երկիր. «Ապա որդի մի Վահանայ, անուն Սամուէլ, եհար սատակեաց զՎահան գհայր իւր, և Ղորմիզդուփստ զմայր իւր՝ զքոյր Շապհոյ Պարսից թագավորին. և ինքն փախստական լինէր յերկիրն հաղտեաց»²⁹:

Ուշագրավ է այստեղ նաև հաղտյաց երկրի հիշատակումը. մեզ թվում է, որ որոշակի կապ կա Սամվելի՝ հախտյաց երկիրը փախչելու (Փափստոս) և Պապ թագավորի՝ Լազիկայի լեռները փախչելու (Ամմիանոս) միջև: Եթե նկատի ունենանք, որ խաղտիքը և Լազիկան միևնույն երկրի տարբեր անուններն են, ապա կասկած չի մնում, որ Սամվել Մամիկոնյանը եղել է Պապ թագավորի գործակիցը և վերջինիս գիտությամբ է Սամվելը վրեժխնդիր եղել իր հայր Վահան-Առավանի ուրացության համար և ոչ թե այն պատճառով, որ Պապը կամեցել է հաճոյանալ Շապուհին, ինչպես ենթադրում է Ամմիանոսը:

Այսպես ուրեմն՝ Առավան հազարապետ. եղև՝ է իրականում մի այսպիսի պատմական անձ Հայաստանում: Կորյունը իր ուսուցիչ Մաշտոցի բուն կենսագրությունը (նախաբանից հետո) սկսում է հետևյալ խոսքերով. «Առն [...] Մաշխոյ անուն, ի Տարօնական գաւառէն, ի Հացեկաց գեղջէ, որդի առն երանելոյ Վարդան կողեցելոյ, ի մանկութեան տիսն վարժեալ հելլենական դպրութեամբն, եկեալ հասեալ ի դուռն Արշակունեաց թագաւորաց Հայոց Մեծաց, կացեալ յարքունական գիւանին, լինել սպասաւոր արքայատուր հրամանացն առ հազարապետութեամբն աշխարհիս Հայոց՝ Առաւանայ ուրումն»³⁰:

Մինչև այժմ անհայտ էր, թե ով է այս Առավան հազարապետը, որի անձնավորությունը հատկապես կարևորվում է Մեսրոպ Մաշտոցի հետ ունեցած առնչությամբ և որին Կորյունը «ուրումն» (ոմն) է անվանում՝ սակավ հավաստի տեղեկություն ունենալու, արգահատանքի կամ որևէ այլ պատճառով: Դա՛վար Փարպեցին փորձել է պարզություն մտցնել Կորյունի հաղորդած տեղեկության մեջ՝ հայոց արքունիքում Մաշտոցի մուտք գործելու ժամանակի վերաբերմամբ և ըստ այսմ իրեն անհայտ Առավանի փոխարեն մուծել է խոսքով թագավորի անունը, այսպես գրելով Մաշտոցի մասին. «զինուորեալ ի դուռն Հայոց արքային խոսրովայ, կարգեալ յերամ մատենագիր արքունի դպրացն»³¹: Իր հերթին խորենացին, որ Մաշտոցի կենսագրության տվյալների մի զգալի մասը Կորյունից է առնում, նույնպես միայն այստեղ է հանդիպել Առավան հազարապետի անվանը և խուսափելով նրան հիշատակելուց, պարզապես գրել է, թե «[...] Մեսրոպայ, որ էր ի Հացեկաց Տարօնոյ, սնեալ և ուսեալ առ մեծին Ներսիսի, և յետ ելից նորա յաշխարհէ՝ ի դրանն արքունի կարգեալ քարտուղար»³²: Այսպիսով, խորենացին Մաշտոցի կենսագրության այդ կարևոր տարե-նիշը կապում է Ներսես Մեծի մահվան թվականի հետ:

Բանասիրության մեջ ոմանք Առավանի հազարապետությունն ընդհուպ մոտեցնում են գրերի գյուտի ժամանակաշրջանին: Յ. Մարկվարտը նրա պաշ-

²⁹ Նույն տեղում, էջ 230: Մ. Խորենացին Սամվել Մամիկոնյանի հոր սպանությունը հիշելիս, չգիտես ինչու, վերջինիս կոչում է Վարդան, այս պատճառով էլ Մ. Օրմանյանը նշում է, թե խորենացին Վահանի մահվան մասին հիշատակություն չունի (տե՛ս Մ. Օրմանյան, նշվ. աշխ., հ. 1, սյուն. 211): Հմմտ. Մ. Խորենացի, Պատմ. Հայոց, Գ. ԽԷ, էջ 319. «Բայց Սամուելի Մամիկոնեհի լինքն ըմբռնեալ զթուղթն խոսրովու և զպատճէն թղթոյն նախարարացն՝ զատուրեալ ի նոցանէ զնաց առ կայսրն Արկադո Քանդի էր սպանեալ նորա զհայր իւր Վարդան յաղաքս ուրացութեանն, և զմայր իւր Տաճատուրհի, և երկնելով ի Պարսից և ի բռնեաց իւրոց Արծրունեաց՝ ոչ իշխէր զատչել ի Յունացո: Բայց տարակույս չի կարող լինել, որ «Վարդան» գրչական այլալուծ է, և խորենացին ևս նկատի ունի այստեղ նույն Վահան Մամիկոնյանին, ինչ որ Փափստոսը:

³⁰ Կորյուն, Վարդ Մաշտոցի, Երևան, 1981, էջ 84 (ընդգծումը մերն է—Ա. Մ.):

³¹ «Ղաւաղարայ փարպեցուց Պատմութիւն Հայոց եւ Թուղթ առ Վահան Մամիկոնեան», Բիֆլիս, 1907, էջ 27:

³² Մովսէս Խորենացի, էջ 316:

ստնակալումը հայոց արքունիքում զետեղում է հոսրով Գ և Վռամշապուհ Թագավորների գահակալության միջև³³։ Մարկվարտին հետևեց (թեև առանց նրան հիշատակելու) նաև Ն. Ակինյանը, որ կարծում է, թե 387 թ. հոսրովի մահից (?) հետո նրա Վռամշապուհ եղբայրը գահակալել է միայն տարիներ անց՝ 400 թվականին, ուստի այդ ամբողջ միջակայքը Ակինյանը հատկացնում է Առավանի հազարապետությանը³⁴։ Վերջինիս նա նույնացնում է այն Զիկ նվիրակի հետ, որ, ըստ Փավստոսի, իբրև «դաստիարակ» ուղարկված էր հոսրովի հետ Հայաստան³⁵։ Իր միտքը մի կերպ հիմնավորելու համար Ակինյանը «Զիկ» անունը համարում է ավելի պաշտոնի տիտղոս, քան հատուկ անուն³⁶։ այնպես որ, ստացվում է, թե «Զիկ նուիրակ» Փավստոսի մոտ կրկնակի տիտղոս է, որին Ակինյանը շնորհում է Առավան անունը։

Սակայն ինչպես իր ժամանակին մատնանշել է Հ. Մանանդյանը, բազմաթիվ դերմանացի հայագետի տեսակետը չի համապատասխանում պատմական իրողությանը։ Փարպեցու և Մ. Խորենացու ժամանակագրական տվյալները, Սեբեոս-Անանունի թագավորների եռյակ շարքը, ինչպես և պաշտոնական պատմագիտությունը հիմք չեն ընձեռում նման ենթադրության, այլ ընդհակառակն, միահամուռ հաստատում են, որ Վռամշապուհն անմիջապես հաջորդել է իր հոսրով եղբորը³⁷։ Մարկվարտի կարծիքը հայոց հոսրով և Վռամշապուհ թագավորների միջև պարսից վերակացու տեղագրելու վերաբերյալ հենվում է միայն Ղ. Փարպեցու «Հայոց պատմության» բնագրի մի աղավաղված հատվածի վրա, որ, ինչպես ցույց է տվել Գ. Խ. Սարգսյանը, հետևանք է ձեռագրի խաթարման և այդ պատճառով՝ բնագրի շարադրանքի ետևադաշտության³⁸։ Իրավացիորեն առարկելով Մարկվարտին, Հ. Մանանդյանն իր հերթին, առանց բավարար հիմքի, Առավանի հազարապետությունը դնում է հոսրով Գ-ի թագավորության տարիներին՝ Մաշտոցի դիվանադպիր դառնալու վերաբերյալ Ղազար Փարպեցու և Կորյունի վկայությունները ուղղակի իրար կցելու ճանապարհով³⁹։ Սակայն վաստակաշատ հայ պատմաբանի կարծիքը

33 Մարկվարտը Առավան հազարապետին միանգամայն տարբեր է նկատում «Ամմիանոսի մոտ հիշատակվող Պապ թագավորի ժամանակակից մագիստրոսից՝ „magister armorum Arrabannes“ («Մեսրոպ Մաշտոց», հոգվածների ժողովածու, էջ 179՝ տողատակով)։

34 Յ. Մարկվարտի և Ն. Ակինյանի կարծիքը հիմք է ընդունել Ա. Մարտիրոսյանը «Հայոց դրերի գյուտի թվականը» հոդվածում («Պատմա-բանասիրական հանդես», 1981, № 3, էջ 80) և «Մաշտոց» գրքում (Երևան, 1982, էջ 219—221)։

35 Ն. Ակինյան, Ս. Մաշտոց վարդապետ. կյանքն և գործունեությունը, Վիեննա, 1949, էջ 27—28։ Տե՛ս նույն կարծիքը նաև Ն. Ակինյանի հրատարակած «Կորյուն, Պատմություն վարդապետ Մաշտոցի», էջ 73, ժան. 9։ հոսրով Գ թագավորը 387 թվականին չի մահացել, ինչպես կարծում է Ակինյանը, այլ միայն աքսորվել է Պարսկաստան և Վռամշապուհի 21-ամյա թագավորությունից հետո երկրորդ անգամ դարձյալ գահակալել է—ըստ Խորենացու՝ մեկ տարի, ըստ Փարպեցու՝ ութ ամիս։

36 Հմմտ. F. Iustl, նշվ. աշխ., էջ 385՝ „Zik, Titel eines der höchsten Beamten, dann auch Eigenname“.

37 Հայ պատմագիտության վերջին տվյալներով հոսրով Գ-ն թագավորել է 385—388 թթ., իսկ Վռամշապուհը՝ 388—413/14 թթ.։

38 Գ. Խ. Սարգսյան, Մովսես Խորենացու Հայոց պատմության ժամանակագրական համակարգը, Երևան, 1968, էջ 100—109։ Հեղինակը (էջ 100—106) վերականգնել է Ղ. Փարպեցու աղավաղված հատվածի ճիշտ շարադրանքը, որ արդարանում է ոչ միայն Փարպեցու իր իսկ ժամանակագրական տվյալներով, այլև Խորենացու հաղորդած տեղեկություններով, որը Գ գրքի Մե գլուխը շարադրելիս հենվել է Փարպեցու նախնական, դեռևս չաղավաղված բնագրի վրա։

39 Հ. Մանանդյան, նշվ. աշխ., էջ 256, 450։ «Մեսրոպ Մաշտոցը և հայ ժողովուրդի պայքարը մշակութային ինքնուրույնության համար» հոդվածում («Մեսրոպ Մաշտոց», հոգվ. ժողովածու, էջ 25—84) նույն միտքը Մանանդյանը հիմնավորում է մի փոքր այլ կերպ. «Վաղար-

հերքվում է հետևյալ պարզ պատճառաբանությամբ՝ Կորյունի վկայակոչած Առավանի հազարապետությունը եղել է մի ժամանակամիջոցում, երբ հայոց թագավորը զահագուրկ էր, քանի որ դժվար է համակերպվել այն մտքի հետ, որ հայոց արքունիքի մասին խոսելիս Կորյունը թագավորի անունը հիշատակելու փոխարեն կարող էր ավելի հիշարժան համարել ռմն Առավանի հազարապետությունը։ Բացի այդ, Փավստոսի հաղորդած տեղեկությամբ, պարսից Շապուհ թագավորը, զահ բարձրացնելով մանուկ խոսրովին, նրա համար դաստիարակ նշանակեց Ջիկ նվիրակին, — այս պարագայում պատմիչն առավել ևս պետք է իրազեկ լիներ երկիրը կառավարող հազարապետի մասին, եթե այդպիսին իսկապես գոյություն ունենար։

Միաժամանակ, Հ. Մանանդյանը կասկածի տակ է առնում խորհնացու այն հաղորդման հավաստիությունը, ըստ որի Մաշտոցն աշակերտել է Ներսես Մեծ կաթողիկոսին և նրա աշխատհից փոխվելուց ճեռած ծառայության է անցել հայոց արքունիքում⁴⁰։ Բայց ինչպես պետք է կարծել, խորհնացուն էլ, ընդհակառակն, չի համոզել խոսրով Գ թագավորի և Առավանի հազարապետի համաժամանակ իշխելու վերաբերյալ տեղեկությունը, որ հիմք է ընդունում Մանանդյանը։ Ըստ երևույթին, Պատմահայրը նկատել է դրանց մեջ եղած ժամանակագրական անպատեհությունը, ընդ որում ձեռքի տակ ունենալով Կորյունի և Ղազար Փարպեցու վկայությունները, նա որոնել ու գտել է մի երրորդ կողման՝ Մաշտոցի արքունի ծառայության տարեթվի համար։

Մաշտոցի մուտքը հայոց արքունիք և հետևաբար Առավանի հազարապետության ժամանակը համեմատաբար ճիշտ է որոշել Մ. Չամչյանը, տեղագրելով այն խոսրով Գ-ի թագավորությանը նախորդող տարիներին։ ՎՄա [Մեարոպ] 'ի մանկութեան տիսն վարժեալ հելլենական դպրութեամբ՝ աշակերտեցաւ մեծին Ներսեսի հայրապետի, և եղև նորա նօտարը. և յորժամ փոխեցաւ յաշխարհէ մեծն Ներսէս, եկաւ 'ի դրան արքունի' ըստ յորդորելոյ հազարապետին հայոց Առաւանայ. և եղև դիւանադպիր թագաւորացն հայոց [...] և կացեալ անդամս իբր եօթն մինչև յերրորդ ամ արքային խոսրովայ՝ փառավորեցաւ յոյժա⁴¹, նշանակում է, Մ. Չամչյանը և ներկա դարասկզբին նաև Մ. Օրմանյանը⁴², հետևելով խորհնացուն, Մաշտոցի կենսագրության առաջին նշանակալից իրադարձության ժամանակը որոշելիս ելակետ են ունեցել Ներսես Մեծի մահվան տարին, որ ինչպես այժմ կտեսնենք, ճշտվել համապատասխանում է Առավանի հազարապետության ավարտին։ Ուստի խորհնացու այդ կովյանը նոր ուժ է ստանում Առավանի անձի՝ որպես Վահան Մամիկոնյանի՝ առաջարկվող մեկնաբանման շնորհիվ։ Եվ իսկապես, եթե Ներսես Մեծը վախճանվել է Պապի թագավորության նախավերջին տարում (373 թ.)⁴³, իսկ Առավան հազարա-

չապատում Մաշտոցի ծառայելու ժամանակի հարցում բանասերները հակասություն են գտնում Կորյունի և Փարպեցու վկայություններում։ [...] Այս հակասությունը, որ մատնանշել է Մարկվարտը, Բյուրիմացության արդյունք է։ Ամենայն հավանականությամբ, Առավանը հազարապետ է եղել խոսրով III-ի օրով, որը թագավորել է 383—388 (կամ 386) թթ. և հետևաբար, կարելի է ենթադրել, որ Կորյունի ճախնակոն և իսկապես ընաճում մատնանշված է եղել, որ Մաշտոցը ծառայել է խոսրով III-ի արքունիքում Առավանի հազարապետության օրով (էջ 35—36, ընդգծումը մերն է—Ա. Մ.)։

40 Հ. Մանանդյան, *Նշվ. աշխ.*, էջ 254. Բանասերները սովորաբար մատնանշում են, որ Մաշտոցն աշակերտել էր Ներսես կաթողիկոսին (373 թ.)։ Այս տեղեկությունը, որ զրտնաբերվում է Պատմութիւն սրբոյն Ներսիսի երկում և խորհնացու Պատմության մեջ, ինչպես միանգամայն ճիշտ նկատել է Խալաթյանցը, չէ կարող ստույգ լինել, որովհետև այդ մասին ևս հիշատակություն չունեն Կորյունը և Ղազար Փարպեցին։

41 Մ. Չամչյան, Պատմութիւն Հայոց, հ. 1, Վենետիկ, 1874, էջ 483։

42 Մ. Օրմանյան, *Նշվ. աշխ.*, հ. 1, սյուն. 266—267։

43 Է. Դանիելյանը Ներսես Մեծի մահվան տարեթիվ է ընդունում 372 թվականը (տե՛ս «Հայաստանի բաժանման տարեթիվը՝ 387 թև՝ 385», «Պատմա-բանասիրական հանդես», 1980, № 1, էջ 210)։

պետի մահը տեղի է ունեցել Պապի կենդանության օրոք, ապա այս դեպքում Պապ թագավորի գահակալման վերջին տարին՝ 374 թ., պետք է համարել այն վերջնագիծը, որից ավելի ուշ Մաշտոցը չէր կարող արքունի դիվանում դպիր նշանակվել առ հազարապետության մեջ:

Առավանի հաղարապետությունը պետք է նախորդեր Խոսրով Գ-ի թագավորությանը և համընկնում է, բնականաբար, այն ժամանակաշրջանին, երբ Սևրեոսի Պատմության տվյալների համաձայն⁴⁴, Արշակ Բ-ին աքսորելուց հետո Շապուհ Բ-ն տասներկու տարի (ամս ԺԲ) իրեն հռչակել է Հայաստանի թագավոր: Դատելով ըստ ամենայնի, նա այդ շրջանում Հայաստանը կառավարել է Առավանի կամ նույն Վահան Մամիկոնյանի ձեռքով, որի իշխանությունը կարող էր շարունակվել որոշ ժամանակ նաև Պապի թագավորությանը գուգահեռ, ինչպես ենթադրել է տալիս Ամմիանոսի պատմությունը: Անհամեմատ պակաս հավանական է կարծել (եթե հետևելու լինենք Մարկվարտին), որ գրեթե 20-ամյա ժամանակահատվածում (368—388 թթ.) Հայաստանը կառավարել են միևնույն Առավան անունով երկու հաղարապետ (կամ սատրապ)՝ երկուսն էլ նշանակված պարսից Շապուհ թագավորի հրամանով: Մյուս կողմից, ինչ-իսոթ, ավելի հաստատ և կողմնակի բավարար կովանների բացակայության պարագայում դժվար է ճանդեկանելիս՝ վճիռ արձակել, սակայն Ամմիանոսի և Կորյունի Առավանների մեջ միևնույն պատմական անձին՝ Վահան Մամիկոնյանին, ճանաչելու մեր վարկածը մինչ այս ենթադրված մյուս նույնացումների համեմատ մնում է ամենից ավելի հավանականը: Այսպիսի մեկնաբանումից հետո միանգամայն հասկանալի է դառնում, թե ինչո՞ւ Խորենացին, որ շուրջ առ շուրջ հավաքելով հյուսել է իր «Հայոց պատմությունը», միանգամից դեն է նետում Կորյունի հաղորդած պատմական տեղեկությունը հայոց աշխարհում արգահատելի Առավանի հաղարապետ լինելու մասին. թե ինչո՞ւ Պատմահայրը զանց է առել պատմական այդ կարևոր անձին, բայց Կորյունի հիշած մյուս բոլոր անձանց անունները (նաև վրաց և աղվանից) խնամքով մոտենել է իր պատմության մեջ, թեև նրանց մասին ամենևին էլ ավելի իրազեկ չէ և նույնքան սուղ տեղեկություններ ունի, որքան և առաջինի վերաբերյալ:

Վերոհիշյալից բխող կարևոր հետևությունն այն է, որ եթե Մեսրոպ Մաշտոցը 373—374 թթ. անցել է արքունի ծառայության՝ իբրև դիվանի դպիր կամ քարտուղար, ապա նա պետք է այդ ժամանակ լիներ գոնե 17—18 տարեկան. նշանակում է նրա ծննդյան տարին, ավանդաբար ընդունված 360—362 թթ. փոխարեն, պետք է դնել 356—357 թթ.: Այսպիսի հասակը ավելի հարմար պետք է նկատել սկսնակ գրագիր և զինվորական սպասավոր նշանակվելու համար, որպիսին եղել է Մաշտոցը հայոց արքունիքում՝ ըստ Կորյունի: «Մաշտոցի պաշտոնը, ինչպես դժվար չէ համոզվել, համապատասխանում է այն զինվոր-գրագիրների պաշտոնին, որոնք ստորին ծառայողներ էին հռոմեական բարձր պաշտոնյաների դիվաններում և անվանվում էին «գրասենյակայիններ» (officiales կամ scrinarij)⁴⁵»:

Առավանի հաղարապետությունը Խոսրովի թագավորությունից հետո՝ այսինքն 389—400 թթ. ղեկող բանասերները պետք է հաշվի նստեն նաև մեկ այլ փաստի հետ, որ 390-ական թվականներին Մաշտոցն արդեն երեսունն անց մարդ էր, մի տարիք, որ չի կարելի հարմար համարել սկսնակ գրագիր և զինվորական ցածրաստիճան սպասավոր կարգվելու համար:

⁴⁴ «Պատմութիւն Ս ե ր է ո ս ի», էջ 55: Ըստ Ամմիանոսի տվյալների, Պապը թագավորել է իր հոր՝ Արշակ Բ թագավորի աքսորից մեկ-երկու տարի անց, այնպես որ Սևրեոսի և Ամմիանոսի վկայություններն այստեղ համընկնում են:

⁴⁵ 2. Մ ա ն ա ն զ յ ա ն, նշվ. աշխ., էջ 256—257:

КТО БЫЛ АРАВАН ҺАЗАРАПЕТ?

АЛЬБЕРТ МУШЕГЯН

Резюме

Касаясь важных военно-политических событий, происходивших в Армении в 360—370 гг. н. э., римский историк Аммиан Марцеллин выводит на сцену префекта Армении Килака и магистра войск Аррабанна (последний в русском переводе Ю. А. Кулаковского ошибочно назван Артабанном). Историко-филологические сопоставления соответствующих сведений Аммиана и армянских источников V в. позволяют не только отождествлять личность указанного магистра войск Аррабанна с Ваганом Мамиконяном, братом сларапета Васака Мамиконяна, но и установить, что магистр Араван у Аммиана есть не кто иной, как упомянутый Корюном Араван Һазарапет. Это обстоятельство и некоторые данные дают возможность уточнить дату рождения изобретателя армянской письменности Месропа Маштоца, а также дату его вступления на службу в царский диван.